

續修四庫全書

《續修四庫全書》編纂委員會編

續修四庫全書

上海古籍出版社

一五七六・集部・別集類

散原精舍詩二卷 陳三立撰……………一

石遺室詩集六卷補遺一卷 石遺室文集十二卷 陳衍撰……………九五

丁戊之閒行卷十卷 易順鼎撰……………二六三

盾墨拾餘十四卷 易順鼎撰……………三五七

青郊詩存六卷 梁煥奎撰……………五一七

嶺雲海日樓詩鈔十三卷選外集一卷 丘逢甲撰……………五九一

散原精舍詩

宣統己酉孝胥

伯嚴詩余讀至數過嘗有越世高談自開戶牖之歎己酉春始欲刊行又以稿本授余曰子其爲我擇而存之余雖亦喜爲詩顧不能爲伯嚴之詩以爲如伯嚴者當於古人中求之伯嚴乃以余爲後世之相知可以定其文者耶大抵伯嚴之作至辛丑以後尤有不可一世之概源雖出於魯直而莽蒼排奐之意態卓然大家未可列之江西社裏也往有鉅公與余談詩務以清切爲主於當世詩流每有張茂先我所不解之喻其說甚正然余竊疑詩之爲道殆有未能以清切限之者世事萬變紛擾於外心緒百態騰沸於內宮商不調而不能已於聲吐屬不巧而不能已於辭若是者吾固知其有乖於清也思之來也無端則斷如復斷亂如復亂者惡能使之盡合興之發也匪定則條忽無見愉悅無聞者惡能責以有說若是者吾固知其不期於切也並世而有此作吾安得謂之非真詩也哉噫嘻微伯嚴孰足以語此宣統元年五月鄭孝胥

散原精舍詩卷上

起光緒辛丑訖甲辰

義甯陳三

書感 以下辛丑

八駿西游問劫灰關河中斷有餘哀更聞謝敵誅鼂錯儘
覺求賢始郭隗補袞經綸留草昧干霄芽蘖滿蒿萊飄零
舊日巢堂燕猶盼花時啄蕊回
黃知縣過談嘲以長句

首下尻高利走趨初春麗日照泥塗嗟君骸體百僚底過
我恢疏一事無撐腹詩書得窮餓填胸婚嫁苦追呼人間
富貴換頭白何處煮茶眠老夫

散原精舍詩卷上

一

春夜觀兒童紙燈戲游作

咆哮熊豹深山氣曼衍魚龍鉅海風午夜喧騰初不惡汝
曹狡獪若爲功憶隨杖履瑤階上同在承平醉眼中今昔
茫然身老大獨移簾燭泣殘紅

寒花一首

狼籍寒花在酒筵誰家消息好春邊夢迴泥潦魚蝦市眼
暗風煙鴻雁天蛛網井欄窺客散繭絲歲月倚人憐江梅
隄柳鳴騶路肯映新晴爲我妍

檢舊篋得熊鶴村光祿遺墨感題

九十老人揮手別花飄雨斷歲華深初看對客有佳句政

爾玩世忘機心文武道盡況今日死生大矣誰賞晉獨公
提攜謂我好想得落筆從霑襟

人日

尋常節物已心驚漸亂春愁不可名煮茗焚香數人日斷
筵哀角滿江城江湖意緒兼衰病牆壁公卿問死生倦觸
屏風夢鄉國逢迎千里鷗鷀聲
窗上見數蠅賦

惡風蝟蠹稼苗盡朔雪狐雄窟穴深汝獨薨薨弄寒日天
方慘慘許微吟汚塵自慣腥羶地揮塵還傷遲暮心萬里
春陰待花發蜜房如水莫飛尋

散原精舍詩卷上

二

月夜

纖月亭亭履迹新九霄風露在流塵獨看樓閣還明滅初
有江湖屬隱淪覆水年華鎔下淚改絃琴瑟鏡中人閒情
自愛機絲夜惆悵牆梅報早春

移居

江南羈客身伯父索得池亭值幾錢徑自攜家就佳處不
成辟世倍潛然禽魚許譏買鄰意水石猶能照眼妍片念
微茫千劫換一椽人海閱枯禪

尋龍蟠里顧石公學博不遇歸途作

日長山館舊相看花暖樓臺人倚欄那問金杯添野水祇

餘白鳥浴春寒世間怪事向誰吐海外奇株應未殘有宅歐旁

園居三首

夢寐吾何有方塘長短亭軒楹浮日澹草樹動春榮生物
閒閒見初衷皎皎醒世人那窺此影落蔣山青

禿柳猗猗在疏梅次第垂飛蟲晴照水啁雀晚移枝意興
隨年盡風光入座悲淹留一搔首物色付童兒

先公所象鶴將入亦羈孤霄漢何曾近山邱如可呼迴廊
新月豔叢竹冷煙枯獨坐空朝暮啼殘返哺鳥

陳次亮戶部以去歲五月卒於京師追哭一首

散原精舍詩卷上

三

亘古傷心賸不歸誰憐此士死長饑罪言杜牧伴狂廢遺

行東方世俗非下榻琴尊來舊夢買山徒侶泣先幾謂甲午

上元夜次申招坐小艇泛秦淮觀游

斗城含雨雲陰陰蜿蜒小流插千岑對坐野航待明月非
公好事誰見尋颯然一鐙入清深齒列樓閣四照臨鄰船

綵燭劇爛漫彈箏行炙翠袖斟東關水灣出荒遠露坐不
受野馬侵暗柳壞橡縛鬼魅寒鷗啼苦蒼煙林回望萬家

渺木末風至稍聞歌吹音爾我羈旅共節物向人但能結
舌瘖百憂千哀在家國激盪騷雅思荒淫世言古之傷心

者士有懷抱甯異今低頭篷底各量付平生四海子桑琴
夜闌茗飲倦罷去月出何處起猿吟

十六夜水軒看月

昨夜孤篷微雨寒窺人今肯近闌干一池春水明如鏡留
與江南兒女看

掩映霜痕深竹叢迷茫霧鬢畫樓東更堪玉笛關山上照
盡飄零處處鴻

春晴晚步塘外作

飯了晴雲壓女牆遲遲負手步橫塘水深魚樂客知否草
暖蜂游春未央野色侵尋惹衰髮夕陽杳靄生微涼何當

散原精舍詩卷上

四

花發柳鶯啼一餉盤龍不入香

漫興

飽眼蒼鷹劈黃鸝鷺鷥鳴啾乾鵲笑兀坐瑣廳不關渠萬
象縱橫初興到麥苗煮餅午枕餘秃枝篆窗晴讀書蠹尸

仙籍菌出虛古人糟粕今何如

開子春望示閨人

起死憐春在動家了債無水明初浴鶴廊靜與懸蛛藥裏
親慙婢藤牀據衆雛簾櫳花氣暖牆烏一相呼

見道旁菜畦春意盎然口占

韭甲菰苗縱復橫清渠倒引白虹明游人指取春深處恰

有晴鳩一片聲

園夜聽驟雨

打窗獨有作叢竹更聽蕭蕭雨打聲坐想波濤喧海舶已
憐歌哭雜江城殘宵鼠齧帷鐙澀明日魚肥池漲清勝得
放晴澆茗椀隔枝鶯語可分明

得鄒沅帆武昌書感賦

嗟君橫舍冷如水寄食看人行老矣乃敢張目論世事弄
筆漬淚灑此紙洞庭東流江拍天鱸鮓畫徙蛟龍淵螳螂
黃雀皆眼前李代桃僵亦可憐

祝女嬰入塾戲爲二絕句

散原精舍詩卷上

五

兩三間屋小如舟喚取諸雛誦九流莫學阿兄誇手筆等
閒費紙幘溝婁

公宮化杏國風遠圖物西來見典型安得神州與女學文
明世紀汝先聲

衡兒就滬學須過其外舅肯堂君通州率寫一詩令持呈
代柬

吾嘗欲著藏兵論汝舅還成問孔篇此意深微埃知者若
論新舊轉茫然生涯獲謗餘無事老去歛吟儻見憐胸有
萬言艱一字摩挲淚眼送青天

寄仲林

仲子驚才意自迷盛年高價許雲霓一官便欲垂垂老萬
事終成脈脈噉了我江湖無去住看君兄弟各提攜祇今
石爛天荒日獨夢匡山認舊題

遣興

風坐纖埃上晴甌翠石圍羣雞啄樹影語燕點書幃海色
猶親切天聲日細微一春消息近贏得醉無歸

孟樂大令出示紀憤舊句和答二首

九門白日照銅駝烽火秦關慘澹過 廟社英靈應未泯
親賢夾輔定如何早知指鹿爲災禍轉見攀龍盡媿媿恍
惚道旁求豆粥遺黎猶自泣 恩波

散原精舍詩卷上

六

八海兵戈仍禹甸四凶誅殛出虞廷匹夫匹婦讐誰復傾
國傾城事已經蟻穴河山他日淚龍樓鐘鼓在天靈愚儒
那有苞桑計白髮疏鐙一夢醒

次韻答王義門內翰枉贈一首

吾衰愚智甯尋丈插足江湖心倔彊已將世變付煙雲空
厭人羣逐聲響後生學徒誰導之古有明訓論何譴翻恐
面牆墮塵垢如鳥著籠驥受鞅要知天機燦宇宙海底星
辰搜一網王先聲名在京國其術旁通道能廣排突閭閻
預時議倚撫豪英取嗟賞颯然飛蜚蔽天墟掉頭六州餘
甕盎幸盟孤抱許降臨頓使童蒙識嚮往百國寶書有涯

略漸還三代非奢想君不見鄒魯大師冠峨峨希臘竺乾
應和多人治汚隆視寤歌別授要道甘譏訶天窮地變必
有待請聽慘惻啼湘娥世界健者知誰何

次韻答義門題近稿

蹈海攀天百不辭茫茫祇替後人悲遑論宿疾三年艾
誦繁霜十月詩號壁蟹蟲聊復爾負轅牛馬待憐誰湘
尙解酬漁父醒醉何曾到此時

次韻再答義門

陸沈几槩更何辭賸有人間澈骨悲聞說泥塗初悔禍可
堪謠俗與陳詩書傳記上此人去錐處囊中相士誰苦撥

散原精舍詩卷上

七

死灰話懷抱新亭兩泣恐多時

園居卽事次韻答義門

枝頭百舌巧言辭闌入春風處處悲初破杏花三日雨半
頽竹榻一家詩灌園功狀癡兒竊投老光陰知者誰風景
不殊煩舉目迷離最是負當時

杏花用韓退之韻

昔步湖堂煙草空兩廊日映酡顏紅別院杏樹絕爛漫羣
鳥呼噪翻高風當筵意氣狎儕輩繞花百市哦賞同歲時
雨露所濡養豎子乃欲貪天功

他處移補者昔年履花遊經

爾來塵劫閱幻變登山臨水淚眼中寄命江南幾荷活

猥有園竹連深叢其間怒開杏六七霞光照耀霜林楓桃
梅辛夷迭環向春氣浸誕誰能窮平生攬物坐歎息千憂
萬恨天南東安得此花愜幽獨四海無人一禿翁

次韻和義門感近聞一首

誰云荼苦食梅酸誰覺辱亡覺齒寒累卵之危今至此兩
言而決恐皆難連雞形勢朝昏見搏兔工夫汗血乾元圃
瑤池何處所月明知戀鵲巢安

雨晴入後園尋春

淡沲曉風前光陰步步妍難花香宿雨新葉養晴天波影
魚身亂樓臺鳥語圓呼兒坐芳草春色一相憐

散原精舍詩卷上

八

王義門陶賓南兩塾師各有贈答之什次韻贅其後

二妙爭傳所吐辭高花大柳照淒悲自慚王謝栖游地卻
費歐梅倡和詩佳子弟何預人事好家居果屬伊誰去來
今有無窮世爲念薪傳胼熟時

次韻答賓南并示義門

日日吟成危苦辭更看花鳥亂餘悲閒來歲月苦喪我聖
處功夫書與詩如此江山相向老休論文字起衰誰江南
風景須公等看取園亭嘖茗時

得熊季廉海上寄書言俄約警報用前韻
滿紙如聞鳴咽辭看看無語坐銜悲黃雲大海初來夢白

月高天自寫詩已向蒿萊成後死併供刀俎尙逃誰癡兒
祇有傷春淚日灑瀛寰十二時

次韻答金大潤培金以醫名故有探丸之句

佩玉瓊瑤放厥辭暫憑妙悟換深悲賺人花事可憐世有
客風流工說詩日飲無何醉鄉在探丸起死眼中誰揚塵
滄海彈指耳苦對鶯飛草長時

二月十日還南昌西山上塚取城北馳道至下關待船作
向夕雲霞嫋嫋生獨攜酸淚出春城連陂叢竹高橋暗十
里垂楊大道晴早晚樓船寒海氣東南形勝怒江聲鄉心
直與夜潮上白石青松喻此情

散原精舍詩卷上

九

侵曉舟發金陵次韻答義門贈別並示同舍諸子

鐙影啼痕若可分時時魂繞社中粉客心起視大江水曉
色猶留鍾阜雲一萬年來無此日二三子肯定吾文煙波
鷗亂自成去著處天涯空念羣

江上三首

天漢迴槎了不聞祇來江上倚斜曛綠楊千里闌干外閒
數飛鴻篆白雲

宛入蜂房戶牖空龍旗猶自飽天風垂垂淚向春波盡江

北江南花影中

棧棧千峯電擲眼還我匡廬心所親懸瀑之巖猿叫處僧

牀冷月汝何人

江上讀王義門黃孟樂贈答詩因次韻寄和

黃侯一官號數奇柱頤蹠踵筋骨疲朝趨魚貫立馬廐暮
歸捫腹餘酸悲自言六載去鄉里母寄弟舍妻孥離競典
釋襦雜嘲罵 國家安用人才爲 侯爲某京卿以江南才
都王生好事者聞之嚙指交攢眉一旦二子相向笑有四
立壁無立錐但憑才雄出光怪各守孤叢如老羅擲骰船
窗愕且快狡獪百態形諸詩默禱江神謝二子駑駘騏驥
誰等差

由江入彭蠡次黃魯直宮亭湖韻

散原精舍詩卷上

十

吾生有涯知無涯自分愚濁長終爾昊天震愆逢百罹歲
時往還復經此十年記語廬山僧登高眺遠留茅亭今日
扁舟入湖口可憐湖水濃於酒四迷洲渚浸渺冥羣鷗叢
雁紛相迎舉釣長竿諾已宿大波爲山風爲屋去去榆枋
逐卑飛白頭逃世此中歸胸置靈君剗城府羣駕龍吟徧
處處青霄引我萬斛舟我百不如焉足羞獨有千秋萬歲
恨斟酌蓬蒿殉一邱

夜舟泊吳城

夜氣冥冥白煙絲窈窕青孤篷寒上月微浪穩移星鐙火

喧漁港滄桑換獨醒酒懷中興略聽角望湖亭

過樵舍爲明甯藩妻妃殉節處

樵舍風光聊可攀沈沈津鼓吏臨關至今酒酣容泥滓祗有輕鷗自往還終古英靈笑鄉井片時安穩看江山胸中作惡萬端過爲借春雲照髮顏

靖廬述哀詩五首

昏昏取舊途惘惘穿荒徑扶服靖廬中氣結淚已凝歲時辟踊地空棺了不勝猶疑夢恍惚父臥辭視聽兒來撼父牀萬喚不一應起視讀書帷蛛網罟相映庭除迹荒蕪顛側盆與飯嗚呼父何之兒罪等梟獍終天作孤兒鬼神下爲證

散原精舍詩卷上

十一

架屋爲層樓可以望西山咫尺吾母墓山勢與迴環龍鸞自天翔象豹列班班靈氣散光采機牙森九關其上蕭仙峯形態高且嫺雨如戴笠翁妍晴立妖髻雲霞繚繞之光翠迴面顏父顧而樂此日夕哦其間渺然遺萬物浩蕩遂不還今來倚闌干惟有淚點斑
牆竹十數竿雜桃李杏梅牡丹紅躑躅胥父所手栽池蓮夏可花棠梨爛漫開父在琉璃窗顏睡自徘徊有時羣松影倒翠連古槐二鶴毵毵舞鳴雉漫驚猜其一羽化去瘞之黃土堆父爲書塚碣爲詩弔蒿萊天乎兆不祥微鳥生禍胎愴恨昨日事萬恨誰能裁

哀哉祭掃時上吾父母冢兒拜攜酒漿但有血淚而去歲

逢寒食諸孫到邱壘父尙健視履扶攜迭抱擁山花爲插頭野徑逐洶洶墓門騎石獅幼者尤捷勇吾父睨之笑謂若小雞竦驚颿吹幾何宿草同蔣茸有兒亦贅耳來去不旋踵

憶從葬母辰父爲落一齒包裹置壙左預示同穴指埋石鐫短章洞豁生死理孰意飽看山隔歲長已矣平生報國心祇以來訾毀稱量遂一施堂堂待倬史維彼夸奪徒浸淫壤天紀唐突蛟蛇宮陸沈不移晷朝夕履霜占九幽益痛此兒今迫禍變苟活蒙愧恥顛倒明發情躑躅山川

散原精舍詩卷上

十二

美百哀咽松聲魂氣迷尺咫

由靖廬寄陳芝潭

凡二十年泰和丞天窮不死荒江微鬢鬚雪霜胸崛奇日倚快閣但坐嘯衣裘污敝履決穿縫氈稱身訝奇妙鄉氓指作賣卜翁又誤官舍呼僧廟廚乏蔬米躬灌園隸卒逃亡鼠窺眇時摹金石詠江山亦用畫筆競炳耀結舌公堂立木雞縣尹頷頤簿尉笑丞哉丞哉何許人澄海陳君老非少自從君久懸僻壤吾亦轉徙如鷹鶴流傳文字一賞之襟期浩翁有同調前年 朝政按黨錮父子幸得還耕釣分應親故不相收萬口訾訾滿嘲諑獨君放船就游衍

感昔傷今談舌掉無何昊天示災凶坐使孤兒仆且叫昏
昏泣血西山廬奔忙重辱君臨弔尋聲索迹行哭悲助喪
成墳費量料先公賓客散九州君也風誼特清劬爾時北
亂逼京闕西巡方下哀痛詔臣民悔禍露機緘公卿陳
言仍竊剽君論時變究新法動得本根中竅毅提攜孤憤
到荒山更刮大義督不肖魂才自合老卑冗安問踰蹤失
津要今來榆柳換春風滿目川原坐孤隋雄鳴鴉啼朝暮
間思君聲顛渺雲嶠國憂家難正迷茫氣絕聲嘶誰救
療巖坳水涯明月空共君肝膽一來照

羅順循大令官定興以受代僅免團匪外兵之難冬間將

散原精舍詩卷上

十三

家避河南爲書上先公言禍變始末甚備蓋尙未及聞
先公之喪也發書哀感遂題其後

三千道路書初到百萬生靈汝尙存天發殺機應有說士
投東海更何冤破椽骨肉生還地殘燭文章慘澹痕哭向
九泉添一語舊時賓客在夷門

詠階前兩桂樹

峭廬階前兩桂樹分立東西好標格飽酣露雨搖春風掩
拂戶牖亂天色嫩枝舊葉能幾何低昂苦作深淺碧有鳥
飛上晝夜啼似憐先公親手植始移根幹有尺寸忽已枝
撐塞簷隙山中淹留憺忘歸往往看汝停酒食我來草木

都隔世祇許血淚灑牆壁當時辛苦澆花人亦復死去埋
廬側亂離憂患誰指數拂拭益傷孤且直直須頃刻吹作
花落取秋河洗胸臆

野望

春滿山如海飛鳴不自知雜花溫日影新柳長煙絲田水
聽蛙急吟樓過雁悲扶筇往來路寸寸淚痕滋
挽周伯晉編修

世人欲殺獨憐才喪亂思君倍可哀已作冥鴻掛繒繳自
然病驥蹶塵埃文章光怪布天下故事流傳辨却灰忍聽
支牀哭先子尙搜遺篋過江來

聞得先公小因魯書君臥病武邑

散原精舍詩卷上

十四

小金爲附馬

山行至冷水坑觀姻家卜葬處口占

碾徑柴車伊軋聲閒看麥隴據基枰一襟假蹇雨鳩喚終
覺西山不世情

菜花黃白杜鵑紅髮影疏斜深谷風我自尋源斷藤蔓鳳

味龍爪亂雲中

登樓望西山二首

天西南插大屏障落翠飛青入酒杯此日登樓有餘思牛
鳴雉响一排徊蒼蒼雲霧夢魂處了了山川生死哀風光
萬花亂人眼獨聽鵲聲松柏堆

往者范生宿此樓日日面山如有求朝看萬馬自天下暮
覺雙鳳驚雲浮感時歎逝出文字搜幽覽怪誰匹儔至今
風雨闌干上使我憑之雙淚流

夜雨

四山春漠漠一榻雨翻翻草暗蛙鳴檻燈寒鼠齧垣深恩
猶几杖孤恨自朝昏月出墓門石應多蝸篆痕

實甫領行在所轉運駐西安題寄二首

吾拚終天痛君猶報國心麻鞋攀狩輦板屋動哀吟老
死方無地安危況在今祇憐漢時月還照擣衣砧

關中仍轉餉天下已銷兵慟哭桑榆計低垂宵旰情唱

散原精舍詩卷上

十五

籌應寂寞填海有平生勿出豎儒語朝端盡老成

雨晴墓道登望作

山居春氣寒況兼深夜雨侵晨亂晴光庭葉爛煙縷暖蜂
始轟游鶯鳩相間語墓門徑蜿蜒細步淚下土照天千萬
花紅白愈嬌吐衆山媚新沐嶼樹不可俯參差草木香渺
然此深阻靈德輝山川萬化正涵煦獨處亦有託攀追與
終古回眼蕭仙峯飄雲何處所

別墓絕句

夜烏啼盡曉鷗閒日日松林煙岫間贏得九原念游子春

風吹淚溼西山

和孟樂城北道中感垂楊之作

駸駸車馬看騰馳始覺相逢老大時頭白眼花身是贅日
長煙暖夢如絲門前貓犬都相識海內風塵問所之信有
垂楊能賺客道旁苦拂酒痕悲

熊季廉之上海酬別

眼中今有子海內竟何歸問道成孤往憂天覺漸非江風
懸涕淚花氣冷簾幃世界龍文在看看滿夕暉

次韻黃知縣苦雨二首

掀海橫流誰比倫拍天又見漲痕新東南災已數千里寂
寞吟堪三兩人坐付蛟鼉移窟宅祇餘鷗鵲叫城闌陸沈

散原精舍詩卷上

十六

共有神州痛休問柴桑漉酒巾

据牀瞠目憂天下如此沈沈朝暮何八表同昏拚中酒餘
黎待盡況無禾空憐麟鳳爲時出稍覺魚蝦亂眼多行念

浮生任漂泊瓦盆塵案日蹉跎

孟樂示述意一章託莊生齊物之旨發屈子天問之痛慰
薦今昔次韻感酬

低摧釭焰雨濛濛跌坐依然病榻中合眼河山占龍象生
心世界亂雞蟲迴環賢劫誰能證呼吸人天若可通畢竟
吾徒法應捨爐香度盡落花風

閔災

十日陰陰雨初知池漲喧杳冥陵地軸浩蕩沒天根石穴
魚兒上簾梢螻蟻尊閣不寄微命聊得一椽存

妖氛纏禹域淶水警堯年瞬息無乾土啼號救薄饘階除
晨覺騎城闕晚呼船寂寞揚雲宅深杯誰與傳

飛電動山川樓臺坐渺然瘡痍消息外寇盜夢魂邊勢欲
亡無日災仍降自天殘生餘血淚灑灑祇青氈

偕孟樂訪次申觀察新居

賸作飄零江海人更堪怒漲歷昏晨蒼黃移竈炊仍熟徒
跣爭途哭尙新幸免爲魚還婦孺猶能放鴨聞比鄰人生
憂患無終始空肯看余守釣綸

散原精舍詩卷上

十七

喜晴一首

雨殘朝旭豔城端傾市兒童拍手看苦惹蛙聲滿煙水乍
來鶯語傍闌干腐儒猶得窺天日野老應爭祭肺肝悔禍
分明測穹昊翻愁餘滴作奔湍

宿漲未消酷熱復熾徹夜不寐有作

水宿疑單舸炎宵忝短檠打窗驚鷺影到枕亂雞聲冥想
魂微細憂端酒濁清強支皮骨起筋角散江城

過魏季詞隱居

先代文書燦日星獨堪憔悴臥江亭閉門自寫潛夫論傳
法兼參起世經對酒看雲身老大懷賢去國涕飄零鳴鳩

亦覺隣牆便深語依稀月滿庭

題歐陽潤生觀察丈畫像

顧頤兀立七尺強豐頤廣顙雙瞳方雪髯飄裾松柏蒼吐
辭面折銳莫當大聲水上鐘鏗鏘翁笑指腹萬怪藏胡牀
踞坐氣龍虎九州人物相爾汝苦憶昔年補官處濱河壯
縣謠俗古翁爲區畫長兒女至今渠成歌召杜眼底江南
誰重輕強預時議參臺評頗唾不顧俗物驚有如風霆夜
磕碎晴霄勁翻刷層城一語不合忤上卿拂衣歲月空崢
嶸翁亦提壺但自傾酒懷向客縱復橫先公石交今有幾
祇翁健飯飯常倒屣滿眼公卿可人否輒念先公涕如雨賤

散原精舍詩卷上

十八

子瞻翁南斗旁元精照耀髯戟張大材豫章映雲日積氣
溟渤涵汪洋老逢世變亦可傷獨抱元覽哦發黃萬事休
置冰炭腸隨翁行藥匡山陽

伏日過李亦元刑部觀所藏京師攜出精槧本

國門自苦胡兵入天府菁英略散亡豈有遺書藏屋壁
虛從覆轍說滄桑公之好事勝懷寶坐使暗香生滿廊觸
熱摩挲一悲咤承平風物夢荒唐

集利涉橋水亭二首

寂歷東亭明夕暉短吟閒眺意多違賺來一片飛花地怡
是游人打槳歸

橋外樓臺絲柳長沒篙新漲浴鴛鴦貞元朝士還相見爲
汝聞歌泣數行

亦謂王刑部退給南還李

月夜同次中怡士泛小舟尋秦淮盛漲

輕舟初恍惚亂水得回沿興逐青溪了愁移白月圓絃歌
風自落鷗鷺夜應眠細數逃亡屋蟬聲禿樹顛

辛丑七月登焦山作

觸熱貪巖壑行吟有輩偉雲濤番舶幻燈火市樓秋曉按
元戎隊風移斷角愁神山看一握憑汝狎奔流

斜徑槐榆影能爲高下涼潮音悲共語石氣暗噓廊杖履
依隨始嵐花寂寞香七年重到此彈指涕如漿

散原精舍詩卷上

十九

二客東溟秀

謂日本結城善齋

諧嬉俯急湍高歌下烏鵲落筆

照龍鸞座飽風雲氣筵張海國餐提攜付儒將兀對大江
寒

水北山人屋胎禽共不還藤蘿今古意雲物笑啼顏萬象
波瀾減初衷魚鳥閒僧難應識我巾屐好追攀

絕頂旌旗動防秋壁壘成巖空蛟作穴天險雁留聲俯仰
關憂樂迷茫難雨晴山靈亦無語爲借濁醪傾

欄楯陰陰見風煙漠漠吹山仍周鼎重庵有魏碑支晚色
翻歸袂空天寫所悲江頭鐘磬寂去住果爲誰

北固山閣夜時日本結城塚中村兼善及李亦元陶渠林

俞恪士同游

怪底江聲亂沸蜩夢痕飄盡古今遙茲來結客海內外相
對憑欄天沈澀霽漢酒杯星自落樓臺石壁月初邀依然
筵鼓山川夜淚墮年年上下潮

竹林寺

去城幾許竹林寺探勝呼羣佳與同一徑柳陰雙鬢露萬
竿篁影四山風鵲呼樓殿靈巖裏雁盡川原殘照中坐看
枯僧供煮茗鐘聲吾與滅虛空

桃葉渡夜泛

嫋嫋柳邊棹離離月下人衣香迴一水酒思映千春初雁

散原精舍詩卷上

二十

明河見涼蟬畫閣新江南腸斷夜攜手竟誰陳

同李刑部錢拔貢雨花臺游眺

片片秋陰木葉閒開攜野色立高墳亂山合處江濤白留
得新亭叫雁羣

萬家煙火蜂房似六代英靈驢背誰說法無人爭喋血松
陰竹色國殤祠

山畔有李忠臣祠

第二泉邊嚼草新殘陽如水滿城闌尋常虎踞龍蟠地獨
許尋秋三兩人

十八夜月上興次申移棹復成橋口占二首

青天蕩蕩大月在踞坐艇子隨晚潮乍入仙源萬楊柳鐘

山翠滴復成橋

風斷煙空橫夜吟溪光爲我成古今鳴蟲之野插南斗映
取雙雙世外心

秋日同李亦元刑部楊彥規薛次申兩觀察泛舟玄武湖
作

世稱玄武湖蒹蕩一都會兩載落江南趙趙未渠視嘉辰
秋景澄挾侶競聯轡綠楊包城郭潑眼亂晴翠呼船葭葦
叢孤棹夷然逝其時巨漲縮萬荷風破碎洲顯橢圓形泓
有斗落勢獨憐紅蓼花掩映容舸地俄頃出灣洄百雉明
煙際倒影浸鍾山天霄狎蓬背日涵波氣香陶陶暖吾意

散原精舍詩卷上

二十一

水鳥化漁翁僂僂自相戲蹢躅始嚙近熟視復驚避野橋
步偃蹇柳徑遂通寺欄楯界虛無均堂芥誰置漫傾壺榼
餘幾擅魚稻利層樓納飛光千里颯涼吹空天蟠秋聲搖
颺松竹氣冥心治亂初搔首雲水外歸歟脫蝸角幽興造
端最更尋半山亭迷途折輿隸嗟公經國謨久爲世唾棄
孰通萬方略以復三代制時危緬遺蹤攀望獨垂涕回謝
鷗鷺羣斜陽戀執袂流塵一俯仰夢痕了難繪

靈谷寺

晴山吐氤氲幽徑引村塢初花爛漫香去郭快一覩稍轉
荒岡煙幾洗蒼林雨低昂映巖岑表裏豁棟戶由來巡聲

過尚肅遺構古一念劫蟲沙四據氣龍虎摧落垣衣痕穿
漏日色午斜通禪榻深坐久風來語陰吹萬竹寒零葉秋
能舞流傳功德泉祈禱煩公府石燥泥亦乾龍去無處所
神物不自救但解澤下土誌公陳死人靈感偶然聚冥冥
影山川了了餘歎撫獨尋衰草歸殘陽倚鐘鼓

送李亦元刑部還京師

客底江南無不爲傾愁倒意幾人知空文自有枕中秘起
死甯堪帶下醫今日朝廷須至計後生口語亂餘悲天
心國脈分明在看汝飛騰足一夔
哭孟樂大令

散原精舍詩卷上

二十一

壁鏗猶暗舊啼痕脫葉驚風一款門幾日覓君如有約行
吟和我已成窵依依寡母孤兒夢莽莽攀天蹈海魂轉慟
江湖容後死獨驅殘髮看中原

過楊仁山居士聽說法

車馬喧馳道人天有寤歌初尋居士語烏鵲散庭柯大地
不知處萬靈相與過病爲衆生病已悟病維摩

雨

書劍園居嶺初聽秋雨長竹廊吟病葉桂塢漏新香飢鶴
還能舞潛魚亦自忙懷人江海斷燈火訴寒蟄
丁叔雅戶部至白下頗勸貸錢營瀕海墾田既去海上寄

此調之

憲也貧非病干卿風馬牛他年千畝漆餘事五湖舟眇眇
吾安放堂堂富可求時危徵卜式好作爛羊頭

與純常相見之明日遂偕尋莫愁湖至則樓館蕩沒巨浸
中僅存敗屋數椽而已悵然有作

別來歲月風雲改白日雷霆晦光彩乖龍掉尾掃九州擲
取桑田換滄海崎嶇九死復相見驚看各捫頭顱在旋出
涕淚說家國倔強世間欲何待江南九月秋草枯飯了攜
君莫愁湖煙沙漠漠城西隅巨浸汗漫沒菰蘆頽牆壞屋
挂朽株飄然艇子浮銀盃兀坐天地吟老夫四山眩轉眺

散原精舍詩卷上

二十三

無極向日漁歌猶在側絕代佳人不可尋斜陽波面空顏
色千齡萬劫須臾耳吾心哀樂乃如此起趁寒烏啼入城
回頭世外一杯水

過伯弢出示所藏舊札有詩志感次韻答之

盈盈帶水繞閒門看作烏啼溪上村中有歌聲出金石更
宜風葉與呼喧零綠細憶平生語暗燭能溫兒女魂那料
攜君供醉眼放蕺城闕幾人存

園夜和答姚叔節陶賓南

薜蘿在眼月窺門怪汝初尋紅樹村壁蝸牛鐙自靜移
牀蟋蟀夜還喧噤吟已了秦庭客橘頌終傷楚些魂莫面

雲山篤行李鴻濛原有槁梧存

十月十四夜飲秦淮酒樓聞陳梅生侍御袁叔輿戶部述
出都遇亂事感賦

狼嗥豕突哭千門灘血車茵處處村敢幸生還攜客共不
辭爛漫聽歌喧九州人物鑒前淚一舸風波劫外魂霜月
闌干照頭白天涯爲念舊恩存

遺興二首

九天蒼翮影寒門肯挂炊煙榛棘村正有江湖魚未膾可
堪簾几鶴來喧嘯歌還了區中事呼吸憑回紙上魂我自
成虧喻非指筐牀芻豢爲誰存

散原精舍詩卷上

二十四

刺繡無如倚市門區區思繞牧牛村晚移觴槥溪橋穩晨
聽簫車田水喧俯仰已迷蘭芷地伶俜餘弔屬鏤魂江長
海斷風雷寂陰識雄人草澤存

賓南伯弢皆有見和遺興之作援此酬之

何人大嚼過屠門爲指初霜梅柳村天放湖山兼晚色陸
沈懷抱有孤喧居夷莫問乘桴事夢難招負石魂羸得
風流說江左新亭明滅謝墩存

東日本藤澤元

三山才隔一重門笑認鴉飛不到村獨抱楹書明絕學
名爲大版來探國論謝羣喧驚猜豺虎憑陵地收拾蟲沙慘

澹魂更有卮言名弔詭轉桑十日可長存

寄肯堂

拘怒橫流束一門憑誰疏引灌千村公知吾意亦何有道
在人羣更不喧碌碌已窮颺鼠技姝姝欲併蠹魚魂癡兒
種海求甌脫任被麻姑目笑存

返西山墓廬將過匡山賦別

謝客談經隱石門陶公采菊杖南村蒼茫余亦自茲去九
道江流相與喧楓落舟帆明戶牖松吹雲氣合精魂孤兒
猶認啼鵲路早晚西山萬念存

江行雜感五首

散原精舍詩卷上

二十五

暮出北郭門蹴蹋萬柳影載此歲晏悲往汴大江永濤濶
翻星芒龍魚憂然警峨軀掀天颺萬怪伺俄頃中宵鐙火
輝有涕如縈綆膠漆平生心撼碎那復整人國所仇恥曾
不一瞥省猥就羈散儔啁啾引吭頸低屋雜甕盎日月留
耿耿睨之雲水間吾生固飄梗

千巖秀雲局兀坐無儔匹浩漭漾中目短歸鳥疾乾坤
仍端倪蓄念詎敢必支撐四維張天陽豁蓬華鞭頑彌萬
塗誘進綜一術學道基小人政化至纖悉芽萌可怒生涵
濡俟其實所恐墮冥叢蕪穢虧素質又如繫朽株弛裂不
終日大音戀橐籥後生欲何述空咤金日碑煌煌功漢室

天有所不覆地有所不親汝不自定命天地矧不仁猛虎
猝汝頭熊豹糜汝身蹴裂汝腸胃咋喉及鬪脰長鯨掉尾
來睨陽齒嶙峋汝骨爲灰埃汝血波天津吁嗟汝何有道
在起因循大哉生人器千聖挈其真盡氣赴取之活汝頓
與呻媛媛而唯唯永卽萬鬼鄰躑躅荒江上泣涕以霑巾
往者江湖災歎極東南陬泛濫百郡國鼉鼉撞天浮席卷
其井閭耆弱葬洪流牛犬枕藉下骸骸擗不收至今寒涼
清疋呻散汀洲司牧頗仰屋四出煩追搜取以實強鄰金
繪結網繆 天王狩安歸誰復爲汝憂茫茫撫時屯擾擾
焚道謀民義湮大原儒服尸瑣猷奄忽元氣敗造物懸決

散原精舍詩卷上

二十六

疣

入湖對匡山巉巖界江壁松蘿垂蛟蛇吼浪氣上擊結輩
四五人攀游尙歷歷歌吟以飄殘光景不可覓一人掀虬
髯守郡督報 國一人長安歸埃風瘁顏色二人百僚底
眇眇刷翮翼其一死 闕下凶亂見羈逼孤生何俚俚餘
喘伏豚苙提攜萬坎恨溢作中夜泣靈怪迴我腸八極有
子立猿挂到天藤昏鴉噪而入嗚呼世變大終侍五老側
長至抵晴廬上塚

已掃屑嵐入初驚宿草長親顏支寤寐兒氣冷山岡飛雉
銜松色黏蝸溼蘚香紙灰颺淚盡天照一杯漿